

Landesbibliothek Oldenburg

Digitalisierung von Drucken

Philippi Phinellæ De Revoltionibvs Annorvm

Phinella, Philippus

Antverpia, 1650

De Sole. Caput VII.

urn:nbn:de:gbv:45:1-3564

De Sole. Caput VII.

Quando revolutionis annalis tempore Sol in prima genitura domo configurabitur, illo anno bonorum fortuna augmentum Dominorum causa dabit; sed si dictus Sol erit male aspectus à Marte, vel Saturno persecutiones dabit.

Sed si revolutionis annalis tempore Sol veniet in secundam domum geniturae, illo anno natum splendidum reddet, & magnificis sumptibus utentem; sed si Sol veniet infortunatus à Saturno, vel Marte, dabit cum vituperio sumptus, & dedecora illo anno.

Si Sol anno revolutionis veniet in tertiam geniturae domum, indicat natum illo tempore honorum causa iter facturum magno suae personae decore, sed si erit maleficatus à malis radijs Saturnis, & Martialibus, illo eodem tempore infortunia tam in itineribus, quam in honoribus patietur.

Quando Sol tempore revolutionis annalis configurabitur in quarta domo geniturae, praemonstrat natum illo anno adepturum bona fortunae, res non cogitatas habebit, honores, & bonam famam, sed si dictus Sol infortunatus erit à duobus infortunijs, rerum, fameq; amissionem indicat.

Si revolutionis annalis tempore Sol configuratus veniet in quintam geniturae domum, si natus filios habēdi capax erit, filium habebit, & in solatijs, & voluptatibus donatiuorum, conuiuiorumque causa viuet, sed si Sol à duobus infortunijs erit male aspectus, amissiones angustiasq; sentiet natus.

Quando in annali revolutione Sol veniet in sextam geniturae domum, laborabit natus ex palpitatione cordis, & graui infirmitate, lites famulorum causa habebit, & eò erunt grauiores, quò maleficiores erunt infortuniorum aspectus cum dicto Sole.

Si revolutionis annalis tempore erit Sol in septima geniturae domo, bona fortunae illo anno dabit mulierum causa, & si duçandi nascendi uxorem capax erit, mulier vidua erit nato promissa, sed pulchra, & diues.

Sed si erit configuratus in malis aspectibus duorum infortuniorum, angu-

angustias meretricum causa dabit.

Quando reuolutionis annalis tempore in octaua domo genituræ erit Sol, illo anno alicuius consanguinei mortem dabit, & natus poster hæres institui: sed si dictum luminare erit offensum à malis aspectibus duorum infortuniõrum, notabilibus calamitatibus natum affliget.

Si in annali reuolutione Sol erit in nona genituræ domo, nato dabit honores itinerum causa, amantem religiosorum reddet, & si in Leone, aut Ariete erit, dignitatem illo anno conferet.

Quando in annali reuolutione Sol erit in decima domo, quæ est medium Cæli, illo anno honores multos dabit tam Ecclesiasticos, quam temporales, natus diuitias cumulabit, & famigeratum nomen ubique habebit.

Sed si Sol infortunatus erit a maleficis aspectibus Martis, aut Saturni, à dominis tam Ecclesiasticis, quam temporalibus edio natus persequetur.

Quando Sol in vndecima genituræ domo erit tempore reuolutionis annalis, spes nati bonum finem sortientur; vtilitatibus amicorum non carebit, & illo anno copia amicorum potentum, & splendidorum florebit.

Sed si Sol ipso tempore erit maleficatus à Saturno vel Marte; spes, & amicitia dictos effectus non patient.

Quando reuolutionis annalis tempore in duodecima genituræ domo Sol manebit, illo anno amicitias hominum potentum dabit; natus patietur infortunia, & tribulationes; & si Mars, aut Saturnus malos aspectus habebunt cum Sole, carcerem, & exilia significat; sed si Iuppiter, aut Venus aspicerent Solem Trini, aut, Sextilis, damna dicto anno non patietur natus.

De Venere. Caput XVIII.

SI reuolutionis annalis tempore Venus configurata veniet in prima genituræ domum; illo anno bonam fortunam dabit, & salutem corporalem comòdam; faciet vt ametur à mulieribus natus, sed si in Veneri erunt maleuoli aspectus luminarium, reddet natum in scelericem, & damnificatum causa mulierum.

F

Quan-